

RJEŠENJE
O IMENOVANJU V.D. ČLANA NADZORNOG ODBORA
JAVNE USTANOVE KANTONA SARAJEVO ZAVOD ZA
ZDRAVSTVENU ZAŠTITU STUDENATA
UNIVERZITETA U SARAJEVU

I

Anela Crnčalo imenuje se za v.d. člana Nadzornog odbora Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu.

II

Imenovanje iz tačke I ovog rješenja vrši se do okončanja procedure Javnog oglasa i konačnog imenovanja, a najduže na period do tri (3) mjeseca.

III

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-04-6012-2.2/24
26. februara 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 64. stav (7) Zakona o zdravstvenoj zaštiti ("Službene novine Federacije BiH", broj 46/10 i 75/13), člana 13. stav (3) Odluke o preuzimanju prava i obaveza osnivača i usklađivanju organizacije i poslovanja Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu ("Službene novine Kantona Sarajevo", broj 7/12), te člana 23. stav (1) Statuta Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu ("Službene novine Kantona Sarajevo", broj 49/13 i 31/16), na prijedlog ministra zdravstva, Vlada Kantona Sarajevo na 27. vanrednoj sjednici održanoj 26.02.2024. godine, donijela je

RJEŠENJE

O RAZRJEŠENJU V.D. PREDsjedNIKA I DVA V.D.
ČLANA UPRAVNOG ODBORA JAVNE USTANOVE
KANTONA SARAJEVO ZAVOD ZA ZDRAVSTVENU
ZAŠTITU STUDENATA UNIVERZITETA U SARAJEVU

I

Razrješavaju se v.d. predsjednika i dva v.d. člana Upravnog odbora Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu, na lični zahtjev, sa danom podnošenja ostavke 26.02.2024. godine, i to:

1. Belmin Fišo, v.d. predsjednika,
2. Lejla Zečić, v.d. člana
3. Hemnalina Lihovac Čičko, v.d. člana.

II

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-04-6012-3.1/24
26. februara 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 64. stav (7) Zakona o zdravstvenoj zaštiti ("Službene novine Federacije BiH", broj 46/10 i 75/13), člana 25. stav (3) Uredbe sa

zakonskom snagom o ustanovama ("Službeni list R BiH", broj 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 13. stav (3) Odluke o preuzimanju prava i obaveza osnivača i usklađivanju organizacije i poslovanja Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu ("Službene novine Kantona Sarajevo", broj 7/12), te člana 23. stav (1) i (8) Statuta Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu ("Službene novine Kantona Sarajevo", broj 49/13 i 31/16), na prijedlog ministar zdravstva, Vlada Kantona Sarajevo na 27. vanrednoj sjednici održanoj 26.02.2024. godine, donijela je

RJEŠENJE

O IMENOVANJU V.D. PREDsjedNIKA I DVA V.D.
ČLANA UPRAVNOG ODBORA JAVNE USTANOVE
KANTONA SARAJEVO ZAVOD ZA ZDRAVSTVENU
ZAŠTITU STUDENATA UNIVERZITETA U SARAJEVU

I

Imenuju se v.d. predsjednika i dva v.d. člana Upravnog odbora Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu, i to:

1. Asmer Halilović, v.d. predsjednika,
2. Mirza Ramić, v.d. člana i
5. Muris Turčalo, v.d. člana.

II

Imenovanje iz tačke I ovog rješenja vrši se do okončanja procedure Javnog oglasa i konačnog imenovanja, a najduže na period do tri (3) mjeseca.

III

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-04-6012-3.2/24
26. februara 2024. godine
Sarajevo

Premijer
Nihad Uk, s. r.

Ministarstvo za boračka pitanja Kantona Sarajevo

Na osnovu člana 5. Odluke o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23), ministar za boračka pitanja Kantona Sarajevo donosi

INSTRUKCIJU

O DOPUNI INSTRUKCIJE O PODNOŠENJU
ZAHTJEVA ZA FINANSIRANJE/SUFINANSIRANJE
AKTIVNOSTI/PROGRAMA/PROJEKATA, ZA
DOSTAVLJANJE IZVJEŠTAJA I PRAVDANJA
SREDSTAVA I DRUGA ZNAČAJNA PITANJA ZA
UDRUŽENJA, ORGANIZACIJE I SAVEZE OD
POSEBNOG INTERESA ZA KANTON SARAJEVO

Član 1.

(Dopuna člana 11.)

U Instrukciji o podnošenju zahtjeva za finansiranje/sufinansiranje aktivnosti/programa/projekata, za dostavljanje izvještaja i pravdanja sredstava i druga značajna pitanja za udruženja, organizacije i saveze od posebnog interesa za Kanton Sarajevo ("Službene novine Kantona Sarajevo", br. 12/23 i 3/24), u članu 11. dodaje se novi stav (6) koji glasi:

"(6) Odluka o privremenom – akontativnom finansiranju rada/projekata na osnovu podnesenih zahtjeva za finansiranje u tekućoj godini, shodno odlukama iz prethodne godine, može se donijeti i u slučaju blagovremenog donošenja budžeta za tekuću godinu, a do okončanja procedure odobravanja sredstava, uzimajući u obzir činjenicu da udruženja iz člana 3. odluke provode aktivnosti od početka godine te imaju odgovarajuće troškove. Ovakva "akontativno odobrena sredstva" bi bila uključena u konačne odluke o odobravanju sredstava za tekuću godinu."

Član 2.

(Stupanje na snagu)

Ova instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-6176/24
27. februara 2024. godine
Sarajevo

Ministar
Dr. sc. **Omer Osmanović**, s. r.

KABINET PREDSEDAVAJUĆEG I ZAMJENIKA PREDSEDAVAJUĆEG SKUPŠTINE KANTONA SARAJEVO

Na temelju člana 66. stav (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 38. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19 i 40/22), člana 112. stav (1) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), uz pribavljena mišljenja: Ministarstva pravde i uprave Kantona Sarajevo broj: 03-04-02-3818/24 od 13.02.2024. godine, Sindikalne organizacije kantonalnih organa državne službe Kantona Sarajevo broj: 01-XVI-123/24 od 13.02.2024. godine, Ministarstva finansija Kantona Sarajevo broj: 08-01-02-2668-2/24 od 19.02.2024. godine, šefica Kabineta predsjedavajućeg i zamjenika predsjedavajućeg Skupštine Kantona Sarajevo donosi

PRAVILNIK O PLAĆAMA I NAKNADAMA DRŽAVNIH SLUŽBENIKA I NAMJEŠTENIKA KABINETA PREDSEDAVAJUĆEG I ZAMJENIKA PREDSEDAVAJUĆEG SKUPŠTINE KANTONA SARAJEVO

I - OPĆE ODREDBE

Član 1.

(Predmet regulisanja)

Ovim Pravilnikom utvrđuju se plaće i naknade državnih službenika i namještenika Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet), pravo na uvećanje osnovne plaće, pravo na naknade plaće, plaće za pripravnike i naknada za lica na stručnom osposobljavanju bez zasnivanja radnog odnosa i način obračuna i isplate plaće, prestanak važenja ranijeg propisa i stupanje na snagu.

Član 2.

(Gramatička terminologija)

Gramatička terminologija korištenja muškog ili ženskog spola podrazumijeva uključivanje oba spola.

II - PLAĆE I NAKNADE DRŽAVNIH SLUŽBENIKA I NAMJEŠTENIKA

Član 3.

(Pravo na plaću)

- (1) Državni službenik i namještenik u Kabinetu ima pravo na plaću koja odgovara radnom mjestu na koje je državni službenik, odnosno namještenik postavljen.
- (2) Plaća državnog službenika i namještenika utvrđuje se rješenjem koje donosi šefica Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Šefica Kabineta).

Član 4.

(Pravo na osiguranje od posljedica nesretnog slučaja)

- (1) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u Kabinetu.
- (2) Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.
- (3) Ugovor o osiguranju sa odgovarajućom osiguravajućom kućom zaključuje šefica Kabineta za sve državne službenike i namještenike zaposlene u Kabinetu.

Član 5.

(Osnovna plaća)

- (1) Osnovna plaća državnih službenika i namještenika Kabineta, utvrđuje se u skladu sa odredbama važećeg Zakona o plaćama i naknadama u organima vlasti Kantona Sarajevo, i važećim Kolektivnim ugovorom za državne službenike i namještenike u organima državne službe Kantona Sarajevo (u daljem tekstu: Kolektivni ugovor).
- (2) Šefica Kabineta može donijeti rješenje kojim se osnovna plaća državnog službenika i namještenika uvećava za procenat do 20% za period u kome, pored poslova svog radnog mjesta, privremeno obavlja i poslove drugog radnog mjesta, pod uslovom da ima najmanje stručnu spremu radnog mjesta čije poslove obavlja.
- (3) Šefica Kabineta je obavezna za svaki mjesec pojedinačno donijeti posebno rješenje državljaninu i namješteniku o privremenom obavljanju poslova drugog radnog mjesta.
- (4) Ukoliko više državnih službenika i namještenika privremeno obavljaju poslove iz stava (2) ovog člana, ukupno uvećanje osnovne plaće državnih službenika i namještenika ne može biti veće od 20%.

Član 6.

(Uvećanje plaće po osnovu minulog rada)

Osnovna plaća državnog službenika i namještenika povećava se za 0,6% (minuli rad), za svaku započetu godinu staža osiguranja, s tim da ukupno povećanje ne može biti veće od 20%.

Član 7.

(Uvećanje plaće po osnovu ocjene rada)

- (1) Dio plaće koji pripada državljaninu i namješteniku po osnovu ocjene rada utvrđuje se kako slijedi:
 - za ocjenu "izuzetno uspješan"/"naročito uspješan" 5% od osnovne plaće, a za ocjenu "uspješan" 2% od osnovne plaće.
- (2) Procenat na ime ocjene rada iz stava (1) ovog člana pripada državljaninu i namješteniku na mjesečnom nivou do sljedećeg ocjenjivanja.